

165  
3428

L'HEVREUSE  
**TROMPETTE**  
POVR LA PAIX,

ADRESSEE  
A MONSEIGNEVR LE  
*Prince de Condé.*



A PARIS,  
Par JEAN BOVRRIQVANT, au mont S.  
Hilaire, pres le puits Certain, au Lys  
fleurissant.

---

M. DC. XV.

*Avec Permission.*


*cuir  
16pp*

(561101-10165)

TRUMPET

FOR THE PAIX

ASSIGNMENT



PARIS

PARIS, 1871

M. D. C. X. V.

Paris, 1871



*TROMPETTE POUR LA PAIX,  
à Monseigneur le Prince de Condé.*

**L'**On dit que lors qu'Alexandre entra dans l'Asie avec son armée pour debeller les Perses, la statuë ou simulacre d'Orphée fut veüe pleurer & esprendre des larmes : voulant par cela signifier que la Muse Clio, chanteresse des hauts faictz, ayant à raconter les diuers accidens de ceste grande guerre, seroit souuent excitée aux larmes & gemissemens par le dur & funeste ressouvenir de tant de ruines & desolations qui en deuoient prouenir.

Ainsi, Monseigneur, la France vous voyant prendre les armes contre elle, regarde d'un œil tout pitoyable, ceux qui comme ceste Muse desirent mettre vn iour la main à la plume pour raconter à la posterité ce qui se sera passé sous le basage de nostre Roy Louis XIII. & les fait desia redouter de paruenir à ce funeste narré des calamitez & miseres qu'ils preuoyent deuoir arriuer par le moyen des armées, qu'à vostre nom l'on leue tous les iours de toutes parts : Ce qui fait qu'ils ont l'ame toute fondüe en larmes de voir que pour estre estimez vrayz Historiens, ils seront cōtraints de vous blasmer d'auoir esté la cause que tant de pauures personnes, le labueur desquelles auoit assigné leur vie sur la recolte qu'ils feroient de leurs bleds & vins qu'ils

voient raur par les gens de guerre, lesquels bien qu'ils ne soient vostres, sous pretexte de vostre partie commettent tous les iours mille desordres.

Je sçay, Monseigneur, que vous estes si pitoyable enuers ces pauvres affligez, que si leur pauvreté se pouoit représenter deuant vostre face, ie ne doute point qu'elle feroit plus de force à vous faire changer de dessein, & remettre tous les subiects de vostre mescontentement à vn autre temps, que non pas toutes les raisons que ie pourrois vous deduire & ramener pour ce fait. Plutarque escriit que Lysander fit dresser vne harâgue à Cleon, pour exciter l'Estat de Sparte à rebellion, & combien que le subiet estoit tres-odieux, qu'elle estoit neantmoins composée avec tant d'artifice, qu'on n'osoit la reciter en public, de peur qu'il n'en demeurast aux auditeurs quelque sinistre impression ou conception.

Si le pauvre peuple voit que vous persistiez tousiours à la volonté de faire la guerre, il est à craindre qu'il ne s'effarouche, & ne dise que vos mescontentemens ne sont que pretextes & artifices pour exciter l'Estat de la France à rebellion, subiect tres-odieux qui ne peut auoir qu'une issue, qui est la punition.

Par apres de vouloir faire entendre au public les subiects de ces mescontêtemens, ie ne sçay qui seroit le Cleon qui voudroit l'entreprendre, veu que la pluspart du pauvre peuple croit que vos mescontentemens ne re-



gardent son bien, mais seulement le vostre particulier.

Il n'y a artifice quelconque qui puisse empêcher que de ceste croyance ne luy en demeure tousiours quelque sinistre impression ou conception.

Fuyez ces coups-là, Monseigneur, car vous sçauvez mieux que moy qu'il n'y a peu à faire de remettre vn peuple qui est en fureur. Pour lors il n'a esgard à aucune qualité, il est sourd à toutes plaintes, toutes loix luy desplaisent, il n'est esmeu d'aucune crainte, il ne preuoit de mal assez puisât pour l'empêcher d'exercer les effects qui neantmoins par apres le fait trespucher.

A la verité il est esgalement dangereux de faire tout de sa teste, & de ne rien faire que par celles des autres, mais de persister en la volonté de faire la guerre, ie ne crois pas que cela tourne tant à vostre aduantage, au contraire, i'apperçois que cela ne vous peut mettre qu'en mauuaise odeur, & enuers les grâds & enuers le peuple: c'est ce qui me fait desirer de vous voir commander à ceux qui vous suivent de poser les armes & obeyr fidelement à leur Roy.

Ie confesse que vous estes vn grand Prince, mais vous auez vn Roy en teste, vn Roy, dis-je, qui en richesses & en fideles subiects abonde autant pour le moins qu'aucun autre de la Chrestienté.

Pensez que c'est Louis XIII. la vine ima-

ge de ce grand Henry, qui partant de ce monde y a laissé de bons amis, qui ne permettront que iamais chose aucune soit faicte au preiudice de celuy auquel il a quitté & son sceptre, & sa couronne Royale, ils ont leur honneur trop en recommandation pour ce faire, & sçavent bien que celuy qui souffre en sa presence vne offense, est non moins que son autheur coupable d'icelle.

Cela vous doit induire à changer de volonté, & vous faire retirer aupres de vostre Roy, qui tout bening & clement tend les bras à vous recevoir, & oublier toutes les choses qui se sont passées.

Vn iour Cambyse courant & gastant tout le pays d'Egypte, en intention de le ruiner & perdre, il y eut vn citoyen de la ville de Thebes qui mōté au haut de la muraille de la ville, luy monstra d'une main vne motte de terre, & de l'autre vn vase plein d'eau du Nil, voulant par là signifier, que tandis qu'il ne pourroit enleuer la graisse de leur terroir, ny diuertir ailleurs le cours de ce grand fleuve tres-riche, il ne seroit en sa puissance de ruiner son pays.

Ainsi, Monseigneur, ie vous diray que tandis que le Roy aura soing, tel qu'il a eu du repos de son peuple, toutes vos armées (bien que grandes) ne pourront iamais esloigner sa volonté de son obeyssance, ny ne pourront empescher qu'il ne soit recogneu pour celuy qu'il est, & qu'un chacun de bon cœur ne



s'esuertuë, soustenant ses droicts, à rompre vos desseings.

Iaçoit que quelques-vns semblent obeyr à vos volontez, songez que cela n'est rien, & que la Monarchie Françoisse est semblable à vn cuir desseiché, qui s'abbaisant du coing qu'il est pressé s'esleue de l'autre, ainsi que disoit Oebarus au Roy Cyrus de celle-là des Perses. Nous voyons que les plantes s'estouffent de trop d'humeur, & les lampes de trop d'huile: ainsi quelques hommes pour trop hausser leurs actions les separent de la moderation, qui est le parfait ornement de la prosperité, & se perdent pour estre trop à leur aise.

Ne permettez, Monseigneur, qu'on vous conte entre ceux-là, ny en hazardant par trop le paquet, ne vous rendez la giroüette de la fortune, & le berceau de son inconstance, plustost obeyssant, comme vous deuez à vostre Roy, fermez l'oreille aux discours de plusieurs, qui peut-estre vous poussent à faire choses lesquelles eux-mesmes n'oseroient entreprêdre. Aduisez-y plus d'une fois, d'autant qu'il n'est moins dangereux de s'endormir à l'abry des paroles de ces gens-là, qu'à l'ombre de l'If, le plus pestifere des arbres.

Ils vous mettent en teste qu'il y a plusieurs Officiers qui apportent mille rauage au bien de l'Estat, mais c'est l'enuie qu'ils leur portêt, qui les fait parler en ceste façon.

Ordinairement ceux qui cheminent par les ardues sentiers de la vertu, sont attraquez de l'enuie, vieille carcasse coiffée à la Meduse, ainsi que les belles fleurs sont assaillies des venimeuses cantharides.

Qui est celuy, ie vous prie, qui porté aux grandeurs & dignitez par le vent de la bonne fortune, se peut vanter de n'auoir iamais esté regardé de ses yeux bigles, bien que ses actions semblables au crystal soient non moins pures que candides ?

Ils disent & vous avec eux, que ces Officiers ont employez à leurs profits particuliers depuis la mort du feu Roy, l'argent qui estoit dans la Bastille, & qu'aujourd'huy s'il arriuoit quelque guerre en France, il n'y a point d'argent pour subuenir à icelle.

Premierement cela est à sçauoir, par apres tel peut estre s'en plaindre, qui en a tiré sa bonne part. il est vray qu'en fait d'informations, les premieres plaintes ont beaucoup de force, les autres n'estans estimées que recriminations.

Quand bien quelque chose arriueroit à nostre Republique Françoise, & qu'elle se trouueroit en necessité, pensez-vous que le peuple François cede en bonne volonté enuers elle à ces Romains, dont Tite Liue en son troisieme Liure nous fait mention, disant, Qu'ils prenoient à grand plaisir, voire à honneur de secourir le public en ses necessitez, iusques-à là que les vefues & les pupilles y alloient



alloient allaigrement, portans tout leur argent & richesses.

Non, non, le peuple François exerceroit le mesme que ces Romains, estimant que ses moyens & facultés ne pourroient estre colloquées en lieu plus seur & plus sacré qu'en la foy publique, gage tres-assuré.

Et m'assure que quand Dieu auroit de tant affligé la France que de la frapper du fleau de la guerre, les François voyans leur republique en necessité, tous en particuliers y apporteroient tel secours, qu'il y auroit presse à qui bailleroit son argent le premier, ainsi que iadis l'on vist à Rome du temps de la seconde guerre Punique.

Ce pretexte donc, Monseigneur, ne doit causer ni vostre débandement, ny tant de levées de gés d'armes que l'on fait tous les iours à vostre nom, qui semblables à la rage des vents qui fremissent, & qui sont accôpagnez de tonnerres & d'esclairs, de tempestes & de gresles, saccagent les moissons, pillent & chassent des villages le pauvre paisant tout tremblant de frayeur, qui d'un œil plein de compassion, regardant les petits enfans, voit qu'un seul repas de ces monstres deuore entierement ce qui seroit suffisant pour l'entretien de toute sa famille, qui meure de faim.

C'est à vous d'y remedier, autrement on vous fera autheur de tous ces desordres, & sera par apres difficile de les oublier: Ne sçavez vous pas, que quiconque nuist à autrui, il faut

qu'il estime que l'iniure ne s'oublie point, & que tost ou tard il faut qu'il en rende conte?

Vous auez prié le Roy ces iours passez, qu'il vous excusast si vous ne pouuiez l'accompagner en son voyage, que premieremēt il n'ait esté pourueu aux desordres que vous dictes auoir esté representez, tant par les remōstrances de Messieurs de la Cour de Parlemēt, que par les cayers des Estats generaux, & que ceux qui se trouueroient coupables n'ayent esté punis, & qu'aussi la Iustice n'ait esté renduë de l'assassinat commis en la personne du sieur de Prouille, sergent Major de la ville d'Amyës. Mais c'est chose à laquelle on pourra tousiours remedier à loisir. Pour ne vous auoir satisfait en ce poinct, à cause du pressé voyage du Roy, cela ne doit estre cause de vous faire leuer les armes cōtre l'Estat, & ruiner le pauvre peuple: Estans tant de Princes ensemble, comme vous estes tous sujets d'un mesme Roy, cela ne vous fait qu'embarasser d'auantage en affaires.

La raison de cela est, que quand il arriueroit que vous auriez fait condescendre à vos volontez vne partie, voire mesme la plus grande de tout le Royaume: ne sçauiez-vous pas qu'en ce monde il n'y a qu'ambition, & qu'icelle est vn lieu si estroit, qu'il n'est capable que d'un seul, & qu'entre vous vous seriez en debats à qui commanderoit aux autres, aucun ne voulant ceder à son compagnon?

Plutarque m'en est tesmoing, disant, que



les grands ne peuuent endurer, non pas mesme en songe que quelqu'un deuienne aucunement égal à eux, de façon que vous iugez que cela causeroit beaucoup de malheurs entre vous autres Messieurs les Princes, & vous feroit songer toutes sortes d'artifices pour vous desfaire de vos compagnons.

De chose semblable nous ne sommes sans exemple: le mesme Plutarque nous en fournit d'un, & dit qu'un iour Antigone songea qu'il voyoit Mitridates qui moissonnoit des espics d'or: il creut que cela luy presageoit quelque part en son Estat, & resolut en soy-mesme de le faire mourir: mais son fils Demetrie, auquel il auoit decouuert ceste resolution l'en aduertit, escriuant en se promenant avec Mitridates le long de la marine du bout de sa iachue, *Fuy-t'en Mitridates.*

Outre tout cela, vne chose est encor grandement à craindre, qui est que peut-estre vos soldats voyans comme par le commandement du Roy il sera procedé cōtre eux, comme criminels de leze Majesté (ainsi qu'il fut dit par Arrest de la Cour du 18. de Septembre, si dans vn mois ils ne se retiroient en leurs maisons, & aux Greffes des Bailliages & sieges de leur ressort, faire declaration de leur obeyssance, dont ils en bailleroient acte aux Substituts du Procureur general du Roy) ils confesseront & adouëront pour lors leur faute, & diront avec Ligarius à nostre Cesar François, *Nous auons failly, & temerairement.*

*nous sommes iettez aux dangers, nous-nous en repen-  
tons, accourans, & nous inclinans à vostre misericorde,  
prians humblement vostre Maiefté de nous pardon-  
ner.*

Les rats ont telle preuoyance du futur, que si la maison où ils sont approche de sa ruine ils en deslogent: Melampe estant malade, se sauua voyant les rats sortir à foule du logis où il estoit. De mesme les Seigneurs & Capitaines qui sont avec vous, voyans ces soldats vous quitter, pourroient bien faire le mesme que Melampe; & par ainsi vous demureriez fort peu accompagné: de façon que sans aucune peine l'on vous contraindrait d'accorder tous les poincts & articles que l'on vous proposeroit.

Changez donc la volonté qu'avez de faire la guerre, & ne surchargez d'auantage la France d'angoisses & de langueurs: les vefues de plaintes: les vieillards de souspirs: les pupilles de regrets: mais procurant le repos & tranquillité des François, ainsi que vous faisiez par cy deuant, songez que la continuation & la perseuerance de bien faire est la baze & le couronnement de la reputation, de l'honneur, & de l'immortalité.

Pensez-y, Monseigneur, afin que suiuant ceste maxime vous puissiez dire au combat de la mort au peuple François, ce que disoit Pericles au peuple d'Athenes. *Pleurez amèrement peuple d'Athenes, pleurez sur mon tombeau, car d'uant le cours de ma vie nul de vous (à cause de moy) n'a*



porté la robe noire, ny le cœur plaintif, ny le visage affligé.

Après le perfide & detestable parricide commis en la personne de Henry le Grand d'heureuse memoire, le peuple François eust ceste confiance, que vous qui auiez esté tant chery par luy durant sa vie, vostre ieunesse esleuée par ses cuisans soings, sortis de la mesme maison que luy, tesmoigneriez des effects de recognoissance au successeur de sa couronne Louis XIII. nostre Roy Tres-Chretien. Ceste confiance doit vous pousser & presser tout ensēble à des genereuses actions, & vous esloigner des iniustes & des mauuaises.

La cognoissance que nous auons de vos merites, & vertus nous assure de la deposition des armes, de ceux qui disent les auoir prins pour vostre seruice, & nous assure que vostre premier but à iamais, après l'honneur de Dieu, sera le seruice de sa Majesté, le repos & la tranquillité de son peuple: que vous estouferez toutes les semences de diuisions & querelles des François, que vous conseruerez sans reproche les rayons de l'honneur de la maison de Bourbon, qui reiaillit en vous par communication du Soleil de vos peres.

Il est hors de doubte qu'il n'y a action où la dissimulation soit plus dommageable qu'aux conseils que l'on veut donner aux Princes: & de fait la premiere & essentielle vertu de ceux qui se meslent de leur en départir, est d'estre

veritables. C'est pourquoy ayant tousiours aimé des mon bas aage les Princes de quelle nation qu'ils soient, leur presence apportant ie ne sçay quelle ioye & contentemēt en mon ame, ie serois tres-marry, Monseigneur, que (vous qui respirez au mesme air que i'ay l'honneur de respirer) chose aucune vous mesaduiuent, faute de vous en dire mon opinion.

C'est ce qui me fait vous parler avec vne telle sincerité d'ame, n'estant de ces images de Dedale, qui trompoient les sens des spectateurs, changeans de visage aussi souuēt qu'on iettoit les yeux dessus : ie desire seulement vous voir en bonne paix & intelligence avec nostre Roy, & tenir aupres de luy le rāg deub à vostre naissance & à vostre qualité.

Eunomus & Ariston voulurent vn iour faire preuue en public de leur suffisance, pour donner le prix à qui ioueroit le mieux : Eunomus rompit vne des cordes de l'instrumēt, & tout à propos vne cigale se trouua pour r'habiller l'armonie. Je me seruiray de ceste comparaison, quoy que basse, pour les personnes desquelles ie parle, vous disant que si vous auez en iusques icy la volōté d'esprouer vostre pouuoir cōtre celuy de nostre Roy, & qu'ils se soiēt trouuez, nō des cigales, mais des Themistocles en entendement, & des Pericles au maniement de l'Estat, pour en r'habiller le discord, c'est à dire qui ayēt par leurs prieres gaigné le Roy, & l'empesché de ne mettre à effects la volonté qu'il auoit contre



vous, & tous ceux qui vous suivent, vous en devez faire vostre profit, & ne retomber en la mesme faute.

C'est donc à vous, Monseigneur, de penser aux remedes, & rechercher vostre Roy de la paix; autrement il n'y a que danger, que les gens qu'il mettra sur pied, semblables aux estourneaux qui seruent sur les treilles rougissantes, où pendent des raisins meurs, ces gens, dis-je, ne seruent avec toute impetuosité sur les vostres, qui leur sont vne victoire toute meure, & ne reste qu'à la recueillir.

Mais si vous suiuez mon conseil en la recherche de la paix, ie m'asseure que le Roy, selon sa bonté & clemēce ordinaire, pour vous reconcilier avec luy, practiquera ce mot sollemnel, *amnistias*, qui emporte, non seulement vne oubliance, mais aussi vne abolition & remission de tout ce qui s'est passé en la guerre.

F I N.

vous & tous ceux qui vous suivent, vous en  
devez faire votre profit, & ne retomber en la  
même faute.

C'est donc à vous, Monseigneur, de peser  
aux remèdes, & rechercher votre Roy de la  
paix, autrement il n'y a que danger, que les  
gens qu'il mettra sur pied, remplissent aux  
effortemens qui se font sur les trilles ter-  
rains, où pendont des trilles mœurs, ces  
gens qui se neçoient avec toute impene-  
ment sur les vôtres, qui sont une vicieuse  
contenance, & ne s'en qu'à la recevoir.

Mais si vous suivez mon conseil en la re-  
cherche de la paix, je m'assure que le Roy, se-  
lon la bonté & clarté ordinaire, pour vous  
reconnoître avec eux, prouvera ce mot so-  
lennel, *amici, qui amicitia non solum  
une amitié, mais aussi une abolition & re-  
mission de tout ce qui s'est passé en la guerre.*

F I M.